

runt per totam reliquam noctem; teste S. Augustino lib. 3.  
de consens. Euangelist. c. 6., scilicet per tres horas, Pon-  
tificis & Principum ministri, nonnulli etiam ex ministris.  
Cæteri vero soluto Concilio quieti & somno se dederunt,  
mane ad Concilium reddituri, ut causam mortemque Chri-  
sti peragerent. Quo circa Christus tota reliqua nocte va-  
riis & atrocibus injuriis, doloribusque, ex odio Judæo-  
rum, & petulantia famulorum, affectus, afflitusque  
fuit.

Hic quidem nulla militum est mentio, nullum est  
verbum cohortis; non Tribunus, non Centurio, non  
Præses, nominantur. Igitur ex Judæorum petulantia,  
& ex ministrorum quoque insolentia, qui Judæi pari-  
ter erant, contumeliæ, percussionses, & dolores Chri-  
sti, provenerunt. Et in omnibus prædictis locis hoc  
sane observandum est, quod quum de ministris agitur,  
de ministris quidem Principis Sacerdotum, non autem  
de ministris Præsidis, sacra pagina loquitur. Aut mi-  
litæ, aut ministros, in Christi comprehensione enun-  
ciat; solos ministros in Christi afflictione apud Annam,  
& apud Caipham, nominat. Milites, quum essent co-  
hortis, & sub Tribuno, Præsidis erant; ministri autem  
expressis verbis sacer textus asserit, quod ministri  
erant Judæorum.

Quod ut manifestius videatur, observemus ver-  
ba illa Matthæi; *Et post pusillum accesserunt, qui sta-  
bant, & dixerunt Petro: Vere & tu ex illis es; nam &  
loqua tua manifestum te facit.* Hi ministri erant, sed  
Judæorum; non enim ministri Præsidis, qui Gentiles  
fuissent, Galilæorum linguam intellexissent. *Ministri  
enim, ait Cornelius a Lapide intenti in Jesum, ejusque  
examen ad osium auscultantes, minus intendebat Petro;*  
sed mox reversi ad ignem, intendententes in Petrum, eum ter-  
tio